



AKTIVNOSTI

Uspješne akcije „Bosanski kurban“ i „Kurban u Mekki i Australiji



'MERHAMET' NAHRANIO

110.000 GLADNIH U JEMENU,

MIJANMARU I BANGLADEŠU

„NAŠ MERHAMET“

Bilten MDD „Merhamet“
maj/juni 2022.

Izdavač:

HO „Merhamet“ MDD
Sarajevo

Za izdavača:

Kenan Vrbanjac

Urednik:

Ruždija ADŽOVIĆ

Štamparija:

Amos Graf

Grafički dizajn:

Ismir Letić

Tiraž:

1.000

Sjedište Društva:

Bistrik 2, Sarajevo

Tel/Fax:

+387 (0) 33 236-527
+387 (0) 33 534-609

Web-portal:

www.merhamet.ba

E-mail:

merhcent@gmail.com

www.merhamet.ba

Ozvaničeno partnerstvo

Str. 3

**'MERHAMET' I RABITA POTPISALI
U SARAJEVU SPORAZUM O SARADNJI****Fondacija "Edah Bećirbegović"**

Str. 6-9

**PODIJELJENE STIPENDIJE ZA
185 UČENIKA IZ CIJELE BIH****Akcija „Kurban 2022“**

Str. 14-19

**OBEZBJEĐENE GODIŠNJE POTREBE
MESA ZA 8.000 KORISNIKA KUHINJA****Kurbani u Mekki i Australiji**

Str. 20-25

**NAHRANJENO 110.000 GLADNIH U
BANGLADEŠU, JEMENU I MIJANMARU****Ozvaničeno partnerstvo sa Ligom muslimanskog svijeta****„MERHAMET“ I RABITA POTPISALI
U SARAJEVU SPORAZUM O SARADNJI**

Muslimansko dobrotvorno društvo „Merhamet“ potpisalo je krajem juna Sporazum o saradnji sa Ligom muslimanskog svijeta - Rabita. Sporazum su, u sjedištu „Merhameta“ u Sarajevu, potpisali predsjednik ove humanitarne organizacije Kenan Vrbanjac i direktor Regionalnog ureda Lige muslimanskog svijeta za Bosnu i Hercegovinu Abdullah Qari. Kako je naglašeno, prvi projekt s kojim započinje zvanična saradnja između ove dvije organizacije bit će projekat podrške Rabite u realizaciji „Merhametove“ akcije „Kurban“, za šta je obezbijeđeno 12.400 eura. - Ovaj projekt, pod



pokroviteljstvom generalnog sekretara Rabite, ima za cilj pomoć narodu Bosne i Hercegovine“. Prvi ovakav sporazum u Bosni i Hercegovini Rabita je potpisala s „Merhametom“ - naglasio je direktor Regionalnog ureda Lige muslimanskog svijeta za Bosnu i Hercegovinu Abdullah Qari.

Predsjednik „Merhameta“ Kenan Vrbanjac

zahvalio se Rabiti što je ukazala povjerenje „Merhametu“.

- Čini nam čast što je Rabita izabrala „Merhamet“ kao partnersku organizaciju u Bosni i

Hercegovini, Ovo je tek početak saradnje.

Ubuduće ćemo zajedno raditi na mnogo većim i ozbiljnijim projektima - kazao je Vrbanjac.



www.merhamet.ba

Posjeta Kenana Vrbanjca i njegovih saradnika općinskom načelniku



VEDAD JUSIĆ: "MERHAMET" VAŽAN ZA OPĆINU BREZA

Načelnik Općine Breza Vedad Jusić primio je početkom juna predsjednika HO "Merhamet" MDD Kenana Vrbanjca, direktoricu Regionalnog odbora "Merhameta" Zenica Zijadu Kliku i sekretara Osnovnog odbora "Merhameta" Breza Nusreta Kadrića.

Vrbanjac je načelnika Jusića informirao o stanju "Merhameta" u Brezi, te ukazao na problem sa neuslovnim prostorom u kojem je trenutno smještena "Merhametova" Narodna kuhinja u tom gradu. Načelnik Jusić je naglasio da je "Merhamet" značajna organizacija za općinu Breza jer obavlja veoma korisnu djelatnost, brinući o socijalno ugroženim građanima na tom području.



- Zbog toga, Općina Breza planira da "Merhametu" obezbijedi adekvatan prostor, sa puno boljim uslovima za rad u novoj zgradi koja će se graditi za potrebe Centra za socijalni rad -

kazao je načelnik Jusić. Osim toga, Općina Breza će, shodno svojim mogućnostima, iz svog budžeta podržati rad "Merhameta", s obzirom na važnost ove organizacije.

Posjeta Ministarstvu za rad, socijalnu politiku, raseljena lica i izbjeglice KS



PODRŠKA MINISTRICE PRVULOVIĆ "MERHAMETOVIM" PROJEKTIMA

Ministrica za rad, socijalnu politiku, raseljena lica i izbjeglice Kantona Sarajevo Ivana Prvulović razgovarala je danas sa predsjednikom HO "Merhamet" MDD Kenanom Vrbanjcem i direktorom Regionalnog odbora "Merhameta" Sarajevo Munibom Bujakom.

Vrbanjac je ministricu Prvulović informirao o aktuelnim projektima "Merhameta", čiji je cilj briga o socijalno ugroženim porodicama na cijeloj teritoriji Bosne i Hercegovine.

Na sastanku je razgovarano o projektima "Merhameta" koji su usmjereni prema povratničkim

porodicama u manjem bh. entitetu. Ministrica Prvulović naglasila je da će Ministarstvo za rad, socijalnu politiku, raseljena lica i izbjeglice Kantona Sarajevo, na čijem je čelu, podržati takve "Merhametove" projekte, kako bi se pomogao održivi povratak.

Podrška iz "Merhametove" Fondacije "Edah Bećirbegović" i drugih izvora

PODIJELJENE STIPENDIJE ZA 185 UČENIKA IZ CIJELE BIH



Od toga je 86 stipendija obezbijeđeno iz "Merhametove" Fondacije "Edah Bećirbegović", kojima su obuhvaćeni učenici na cijeloj teritoriji Bosne i Hercegovine. Godišnja stipendija iz Fondacije "Edah Bećirbegović" za učenike srednjih škola iznosila je 750, a za učenika osnovnih škola 500 KM

Muslimansko dobrotvorno društvo "Merhamet" podijelilo je 185 stipendija učenicima osnovnih i srednjih škola iz socijalno ugroženih porodica. Od toga je 86 stipendija obezbijeđeno iz "Merhametove" Fondacije "Edah Bećirbegović", kojima su

obuhvaćeni učenici na cijeloj teritoriji Bosne i Hercegovine. Godišnja stipendija iz Fondacije "Edah Bećirbegović" za učenike srednjih škola iznosila je 750, a za učenika osnovnih škola 500 KM. Na osnovu odluke "Merhametove" Komisije za dodjelu

stipendija, učenicima osnovnih škola dodijeljene su 64 stipendije, a učenicima srednjih škola 22. - Zadoljstvo nam je što smo ove godine uspjeli stipendirati sve učenike koji su se prijavili na "Merhametov" konkurs i što nikoga nismo morali izostaviti.

"Merhamet", zahvaljujući Fondaciji "Edah Bećirbegović", od 2011. godine pomaže školovanje djece iz socijalno ugroženih porodica i to je jedan od najznačajnijih i najhumanijih "Merhametovih" projekata - kazao je predsjednik HO "Merhamet" MDD Kenan Vrbanjac.



FATIHA ŽRTVAMA ZLOČINA NA TUZLANSKOJ KAPIJI

Nakon podjele stipendija u Tuzli, delegacija „Merhameta“, zajedno sa stipendistima ove humanitarne organizacija, posjetila je Tuzlansku kapiju i položila cvijeće i proučila Fatihu žrtvama zločina koji se dogodio 25. maja 1995. godine, kada je granata ispaljena s položaja Vojske Republike Srpske ubila 71 mladu osobu, a više od 150 ranila.

Delegaciju „Merhameta“ predvodio je predsjednik Kenan Vrbanjac.



Za područje Republike Srpske „Merhamet“ je ove godine obezbijedio stipendije za 44 učenika, 28 osnovaca i 16 srednjoškolaca, i to na području Doboja, Vukosavlja, Teslića, Bosanskog Novog (Novi Grad), Dervente, Prijedora, Kotor Varoša, Gradiške, Zvornika, Višegrada, Bosanske (Kozarske) Dubice, Kostajnice, Skender Vakufa (Kneževno), Bratunca i Međeđe.

Za područje Federacije BiH obezbijedene su 42 stipendije i to za 36 učenika osnovnih i šest učenika srednjih škola na području Tomislavgrada, Jajca, Banovića, Kaknja, Maglaja, Tuzle, Sarajeva, Zenice, Gradačca, Gornjeg Lukavca, Travnika i Goražda,

- Potrudili smo se da podjelu „Merhametovih“ stipendija organiziramo u Tuzli, Sarajevu i Banjoj Luci, kako bismo pošteli djecu bespotrebih putovanja - kazao je Vrbanjac.

Inače, „Merhametova“ Fondacija za stipendiranje učenika osnovnih i srednjih škola nosi ime bivšeg predsjednika HO „Merhamet“ MDD, rahmetli Edaha Bećirbegovića.

Početkom aprila „Merhamet“ je podijelio 42 stipendije jetimima sa područja Banovića, Kaknja, Maglaja, Tešnja, Zavidovića, Zenice i Zvornika. Ukupan iznos stipendija iznosio je 10.786 KM. Te stipendije obezbijedila je „Merhametova“ partnerska organizacija Bosansko Kanadsko Humanitarno Društvo iz Toronta.

U međuvremenu, iz donacija Bosansko Kanadskog Humanitarnog Društva podijeljeno je još 30 stipendija. Dakle, ova „Merhametova“ partnerska organizacija je u 2022. godini obezbijedila 72 stipendije za djecu iz BiH.

U ovoj godini „Merhamet“ stipendira još 27 djece iz donacija za te namjene koje je obezbijedio „Merhamet“ Njemačke.

Tako je „Merhamet“ u ovoj godini obezbijedio ukupno 185 stipendija.



Posjeta predsjednika Organizacionog odbora za obilježavanje 27. godišnjice genocida



HAMDIJA FEJZIĆ: "MERHAMET" NAM JE UVIJEK BIO NA USLUZI

"Merhamet" će staviti sve svoje kapacitete na raspolaganje kako bi se dostojanstveno obilježio 11. juli. Mi smo to činili i prethodnih godina, pružajući logističku podršku učesnicima "Marša mira". Sada ćemo to uraditi sinhronizovano sa Organizacionim odborom, istakao je Vrbanjac

Zamjenik načelnika općine Srebrenica i predsjednik Organizacionog odbora za obilježavanje 27. godišnjice genocida u Srebrenici Hamdija Fejzić posjetio je Muslimansko dobrotvorno

društvo "Merhamet" u Sarajevu, gdje je sa predsjednikom Kenanom Vrbanjcem razgovarao o saradnji u narednom periodu. Tom prilikom, Vrbanjac je istakao da "Merhamet" svakako želi dati

svoj doprinos u obilježavanju godišnjice genocida u Srebrenici. - Svi znamo da "Merhamet" njeguje osjećanja ne samo prema Srebrenici nego svim nevinim bošnjačkim žrtvama u Bosni i

Hercegovini. Naravno Srebrenica je mjesto gdje je počinjen genocid i dužni smo da na to podsjećamo svake godine, kazao je Vrbanjac te dodao:
- Zahvaljujem se gospodinu

Fejziću, predsjedniku Organizacionog odbora za obilježavanje godišnjice genocida u Srebrenici, na svemu što radi svih prethodnih godina i što je ukazao čast "Merhametu" da ponovo bude dio tog tima koji će se potruditi da se taj strašni genocid nikad više ne ponovi.

Vrbanjac je poručio da će "Merhamet" sve svoje resurse staviti na raspolaganje i ove godine za Srebrenicu.

- Mi smo to činili i prethodnih godina, pružajući logističku podršku učesnicima "Marša mira". Sada ćemo to uraditi sinhronizovano sa Organizacionim odborom. "Merhamet" je uvijek sa svojim narodom. Drago nam je i čast nam je biti dio tog tijela, Organizacionog odbora. "Mer-

hamet" će staviti sve svoje kapacitete na raspolaganje kako bi se dostojanstveno obilježio 11. juli - istakao je Vrbanjac.

Fejzić je izjavio da je cilj posjete Muslimanskom dobrotvornom društvu "Merhamet" obnavljanje saradnje koju su već imali sve do prije pet - šest godina.

- "Merhamet" je ranije učestvovao u organizaciji obilježavanja godišnjice genocida u Srebrenici. Ovaj sastanak je upriličen da upoznamo predstavnike Merhameta sa organizacijom obilježavanja godišnjice genocida i da nastavimo tu saradnju jer oni su bili dosta korisni i dosta su pomagali sav taj proces koji vodimo. "Merhamet" nam je uvijek bio na usluzi - kazao je Fejzić.

Podrška obilježavanju godišnjice genocida u Srebrenici



TOPLI OBROCI ZA UČESNIKE I VOLONTERE NA “MARŠU MIRA”

“Merhamet” je pripremio tople obroke i osvježavajuće napitke koje je podijelio na prvom mjestu prenočišta, u zvrničkom povratničkom naselju Liplje, kao i na zadnjem odredištu ovogodišnjeg “MARŠA MIRA”. U samim Potočarima je osigurana i podijeljena večera za 200 osoba

Regionalni odbor “Merhameta” Tuzla je i ove godine pružio logističku podršku obilježavanju godišnjice genocida u Srebrenici. “Tuzlanski Merhamet” je za učesnike “MARŠA MIRA” pripremio tople obroke koje je prve večeri, zajedno sa osvježavajućim napitcima, podijelio na prvom mjestu prenočišta, u zvrničkom

povratničkom naselju Liplje. Obroci i osvježenje podijeljeni su i volonterima Crvenog križa Tuzlanskog kantona koji su na svoj način pomogli ovogodišnje memorijalno pješčenje, u znak sjećanja na hiljade žrtava genocida. Te večeri je podijeljeno 170 obroka na kraju prve etape od Nezuka do Liplja. Ove aktivnosti su potom nastavljene do

kraja ovogodišnjeg memorijalnog pješčenja. Regionalni odbor “Merhameta” Tuzla je i na zadnjem odredištu ovogodišnjeg “MARŠA MIRA” podijelio obroke i osvježenje za učesnike memorijalnog pohoda te aktiviste i volontere Crvenog križa TK. U samim Potočarima je osigurana i podijeljena večera za 200

osoba. - Zahvaljujemo se našim prijateljima iz Crvenog križa Tuzlanskog kantona i njihovoj direktorici Merimi Sarajlić, s kojima smo zajedno na još jednom plemenitom zadatku potvrdili odličnu saradnju dvije organizacije - kazala je direktorica Regionalnog odbora “Merhameta” Tuzla Mensura Husanović.

Uspješno provedena „Merhametova“ akcija „Kurban“



DONIRANJEM KURBANA GRAĐANI OBEZBIJEDILI GODIŠNJE POTREBE MESA ZA 8.000 KORISNIKA KUHINJA

Predsjednik HO „Merhamet“ MDD Kenan Vrbanjac se zahvalio svim našim građanima u Bosni i Hercegovini i dijaspori koji su i u 2022 godini, kao i godinama ranije, izvršavajući svoju vjersku dužnost, donirali svoje kurbane „Merhametu“

Muslimansko dobrotvorno društvo „Merhamet“ uspješno je provelo i ovogodišnju akciju „Bosanski kurban“. Zahvaljujući građanima naše zemlje u Bosni i Hercegovini i dijaspori, koji su i ove godine

ukazali povjerenje „Merhametu“, obezbijedeno je meso za čitavu godinu za 45 narodnih kuhinja i njihovih punktova širom Bosne i Hercegovine, u kojima „Merhamet“ svakodnevno hrani više od 8.000 koris-

nika i njihovih porodica. Na ovaj način, građani su omogućili obilne i kvalitetne obroke za najsiromašnije građane u našoj zemlji. Predsjednik HO „Merhamet“ MDD Kenan Vrbanjac se zah-

valio svim našim građanima u BiH i dijaspori koji su i u 2022 godini, kao i godinama ranije, izvršavajući svoju vjersku dužnost, donirali svoje kurbane „Merhametu“.
- Svjedoci smo da povjerenje



građana u „Merhamet“ raste iz godine u godinu. To povjerenje nam je veoma značajno, s obzirom da je kurbansko meso prikupljeno tokom ove akcije podijeljeno „Merhametovim“ javnim kuhinjama širom Bosne i Hercegovine. Te kuhinje će, zahvaljujući ovoj akciji, normalno funkcionirati u narednih godinu dana i imat će dovoljno mesa za pripremu obroka svojim korisnicima - kazao je Vrbanjac.

Akcija „Bosanski kurban“ je i ove godine provedena u saradnji sa bošnjačkim povratnicima u manji bh. entitet i sa demobilisanim borcima Armije RBiH. Osim redovnim korisnicima „Merhameta“, kurbansko meso obezbijeđeno akcijom „Kurban“ će se dijeliti socijalnim ustanovama, centrima za odvikavanja od droge, kolektivnim centrima, staračkim domovima, povratničkim porodicama, kao i ostalim socijalno ugroženim kategorijama te kroz podjelu interventnih paketa tokom Ramazanskog i Kurban-bajrama.

- „Merhamet“ je ove godine klaou kurbane u pet klaonica u Bosni i Hercegovini, kako bio se približio građanima koji su željeli prisustvovati klanju. Željeli smo omogućiti da se što više građana uvjeri kako „Merhamet“ radi transparentno i uz poštovanje šerijatskih propisa. Uostalom, i to je jedan od razloga što svake godine jača povjerenje građana u „Merhamet“ - kazao je Vrbanjac.

Tako je ove godine „Merhamet“ organizirao klanje kurbana u Sarajevu, Živinicama i Srebrenici, gdje su građani mogli prisustvovati klanju.

- Još jednom se zahvaljujemo svim građanima u Bosni i Hercegovini i dijaspori koji godinama ukazuju povjerenje „Merhametu“, čime nam pomažu da nahranimo veliki broj socijalno ugroženih građana u Bosni i Hercegovini, ali i na mnogim kriznim područjima u svijetu. „Merhamet“ cijeni njihovo povjerenje koje nikada nije izigrao. Tako će biti i ubuduće - poručio je Kenan Vrbanjac.



GRAĐANIMA PODIJELJENE VAKUMIRANE TREĆINE

Građani koji ukažu povjerenje „Merhametu“ i uplate svoj kurban u ovoj humanitarnoj organizaciji mogu prisustvovati klanju kurbana na lokacijama, odnosno klaonicama gdje se obavlja ovaj vjerski obred.

Za one koji ne žele i ne mogu prisustvovati klanju kurbana, a žele dobiti trećine od svog kur-

bana, „Merhametovi“ uposlenici im te trećine dostavljaju na kućni prag.

I ove godine je „Merhamet“ organizirao vakumiranje trećina od kravljeg mesa i svi građani koji su uplatili kurban u „Merhamet“, a željeli su trećine, te trećine su dobili uredno vakumirane i izrazili su veliko zadovoljstvo zbog toga.



„Merhamet“ i ove godine organizirao klanje kurbana u Mekki i Australiji



NAHRANJENO 110.000

GLADNIH U BANGLADEŠU, JEMENU I MIJANMARU

Akciju je provodio „Merhamet“ Švedske, a u akciji su učestvali i HO „Merhamet“ MDD sa svojim organizacionim jedinicama. Kurbani koje su „Merhametu“ donirali građani u BiH i dijaspori u okviru akcije „Kurbani u Mekki i Australiji“ stigli su do gladnih porodica na kriznim područjima u svijetu

Muslimansko dobrotvorno društvo „Merhamet“ je i ove godine organizirao klanje kurbana u Mekki i Australiji. Akciju je provodio „Merhamet“ Švedske, a u akciji su učestvali i HO „Merhamet“ MDD sa svojim organizacionim jedinicama. Kurbani koje su „Merhametu“ donirali građani u BiH i dijaspori u okviru akcije „Kurbani u Mekki i Australiji“ stigli su do

gladnih porodica u Bangladešu, Jemenu i Mijanmaru. Tako je, prema riječima predsjednika HO „Merhamet“ MDD, ova hmanitarna organizacija, zajedno sa građanima Bosne i Hercegovine, nahranila oko 110.000 gladnih osoba, odnosno više od 20.000 muslimanskih porodica u tim zemljama. Predsjednik HO „Merhamet“ MDD Kenan Vrbanjac je izrazio

zadovoljstvo realizacijom akcije „Kurbani u Mekki i Australiji“. - Ovo je treća godina od kada „Merhamet“ organizira klanje kurbana u Mekki. Bosanci i Hercegovci u našoj zemlji i dijaspori su izrazili zadovoljstvo što im je „Merhamet“ omogućio da svoju vjersku obavezu, žrtvovanje kurbana, mogu obaviti u ovom svetom gradu muslimana i što, istovremeno, mogu nahraniti

brojne gladne muslimanske porodice u kriznim područjima, u ovom slučaju u Bangladešu, Jemenu i Mijanmaru. Zahvalni smo našim građanima na tome i na povjerenju koje godinama ukazuju „Merhametu“ - kazao je Vrbanjac. Naglasio je da je žrtvovanje kurbana u Mekki, u ime „Merhameta“, prisustvovao je Fehim Halilović, predsjednik „Mer-



hameta“ Švedske, koji je provodio akciju „Kurbani u Mekki i Australiji“. - Na taj način željeli smo do kraja ispratiti našu akciju i uvjeriti se da njena realizacija

bila uspješna. Na to imamo obavezu i zbog naših građana koji su nam povjerali svoje kurbane i koji očekuju od nas povratnu informaciju o tome - zaključio je Kenan Vrbanjac.





Ozvaničeno partnerstvo sa Ligom muslimanskog svijeta



RABITA OBEZBIJEDILA 12.400 EURA ZA KURBANE

Kurbansko meso koje je donirala Rabita dostavljeno je „Merhametovim“ regionalnim odborima Goražde, Zenica, Travnik, Sarajevo i Tuzla koje je potom podijeljeno korisnicima „Merhameta“, odnosno socijalno ugroženim porodicama u pomenutim gradovima

Nakon što je Muslimansko dobrotvorno društvo „Merhamet“ potpisalo krajem juna Sporazum o saradnji sa Ligom muslimanskog svijeta - Rabita u sjedištu „Merhameta“ u Sarajevu, prvi projekt s kojim je započela zvanična saradnja između ove dvije organizacije

bio je projekat podrške Rabite u realizaciji „Merhametove“ akcije „Kurban“.

Za ovaj projekta Rabita je obezbijedila sredstva od 12.400 eura, od čega je „Merhamet“ nabavio 60 ovaca. To kurbansko meso koje je donirala Rabita dostavljeno je „Merhametovim“

regionalnim odborima Goražde, Zenica, Travnik, Sarajevo i Tuzla koje je potom podijeljeno korisnicima „Merhameta“, odnosno socijalno ugroženim porodicama u pomenutim gradovima. Predsjednik „Merhameta“ Kenan Vrbanjac zahvalio se Rabiti što je ukazala

povjerenje „Merhametu“.

- Čini nam čast što je Rabita izabrala „Merhamet“ kao partnersku organizaciju u Bosni i Hercegovini, Ovo je tek početak saradnje. Uбудуće ćemo zajedno raditi na mnogo većim i ozbiljnijim projektima - kazao je Vrbanjac.





Pomoć partnerskih organizacija



„HELPING HAND“ DONIRAO 51 KURBAN

Kurbanko meso je distribuirano „Merhametovim“ regionalnim odborima Tuzla, Travnik, Sarajevo, Zenica i Maglaj, gdje je podijeljeno korisnicima „Merhametovih“ kuhinja, odnosno socijalno ugroženim porodicama na tom području

Organizacija „Helping Hand“ i ove godine podržala „Merhametovu“ akciju „Bosanski kurban“, čiji je cilj obezbijediti dovoljne količine mesa za više od 8.000 korisnika koje „Merhamet“ svakodnevno hrani u svojih 45 kuhinja i njihovim punktovima širom Bosne i Hercegovine.

Ove godine je „Helping Hand“ obezbijedio sredstva za 51 kur-

ban, odnosno 20 ovaca i tri krave. Nakon žrtvovanja kurbana po islamskim propisima, kurbanko meso je distribuirano „Merhametovim“ regionalnim odborima Tuzla, Travnik, Sarajevo, Zenica i Maglaj, gdje je podijeljeno korisnicima „Merhametovih“ kuhinja, odnosno socijalno ugroženim porodicama na tom području.

Ova „Merhametova“

dugogodišnja partnerska organizacija je ranije donirala „Merhametu“ sredstva u ukupnom iznosu od oko 34.960 američkih dolara. Dio tih sredstava utrošen je za pripremu iftara tokom ramazanskih aktivnosti „Merhameta“, dok je dio bio namijenjen za nabavku 1.000 prehrambenih paketa koji su ih podijeljeni socijalno ugroženim porodicama na cijeloj

teritoriji Bosne i Hercegovine.

„Helping Hand“ je osim pomenute pomoći, kao podrške „Merhametovim“ ramazanskim aktivnostima, obezbijedila još dvije izuzetno vrijedne donacije i to: iznos od 19.460 američkih dolara za stipendiranje učenika u okviru „Merhametovog“ Fonda za stipendiranje „Edah Bećirbegović, kako i 59.960 američkih dolara za kupovinu



pakarske linije za proizvodnju hjeba, za „Merhametovu“ pekaru u Goraždu, koja bi uskoro trebala biti otvorena. Do akcije „Burban“, ukupna pomoć kojom je u ovoj godini „Helping Hand“ podržao različite „Merhametove“ aktivnosti iznosila je čak 114.380 američkih dolara, odnosno oko

197.000 KM.

Predsjednik HO „Merhamet“ MDD Kenan Vrbanjac se zahvalio organizaciji „Helping Hand“ na značajnim donacijama, što je, kako je naglasio, velika podrška ove partnerske organizacije „Merhametu“ te izrazio zadovoljstvo zbog dugogodišnje saradnje.



Podrška „Merhametu“ od još jedne strane organizacije



VRIJEDNA DONACIJA „ZAKAT FONUDATION OF AMERIKA“

Predsjednik HO „Merhamet“ MDD Kenan Vrbanjac se zahvalio partnerskoj organizaciji „Zakat Fonudation of Amerika“ na vrijednoj donaciji koja je omogućila „Merhametu“ da obraduje mnoge porodice širom Bosne i Hercegovine koje su u stanju socijalne potrebe.

„Zakat Fonudation of Amerika“ je jedna od humanitarnih organizacija koja je izrazila želju da na svoj način podrži ovogodišnju „Merhametovu“ akciju „Bosanski kurban“.

Tako je „Zakat Fonudation of Amerika“ obezbijedila sredstva

za 50 kurbana koji su žrtvovani po islamskih propisima u klaonici u Sarajevu. Kurbansko meso je raspoređeno na „Merhametove“ regionalne odbore Sarajevo, Tuzla, Travnik, Zenica i Maglaj, gdje je podijeljeno koricnicima „Merhametovih“

kuhinja i njihovim socijalno ugroženim porodicama. Predsjednik HO „Merhamet“ MDD Kenan Vrbanjac se zahvalio partnerskoj organizaciji „Zakat Fonudation of Amerika“ što je ukazala povjerenje „Merhametu“ i u njemu prepoznala

pouzdanog partnera. Vrbanjac je naglasio da je donacija „Zakat Fonudation of Amerika“ omogućila „Merhametu“ da obraduje mnoge porodice širom Bosne i Hercegovine koje su u stanju socijalne potrebe.





Podrška turske humanitarne organizacije "Merhametu"



IHH DONIRAO 35 KURBANA

Kurbansko meso koje je donirao IHH dostavljeno je "Merhametovim" regionalnim odborima u Tuzli, Sarajevu, Travniku, Zenici i Maglaju, koji su meso podijelili korisnicima "Merhametovih" kuhinja, odnosno socijalno ugroženim porodicama na području pomenutih općina

Turska humanitarna organizacija IHH, s kojom HO "Merhamet" MDD ima potpisan Protokol o saradnji, ove godine je podržala "Merhametovu" akciju "Bosanski kurban", donirajući sredstva za navabku 35 kurvana, odnosno pet krava. Ovo je još jedna od zajejnickih

aktivnosti ove dvije partnerske humanitarne organizacije. Kurbansko meso koje je donirao IHH dostavljeno je "Merhametovim" regionalnim odborima u Tuzli, Sarajevu, Travniku, Zenici i Maglaju, koji su meso podijelili korisnicima "Merhametovih" kuhinja, odnosno socijalno

ugroženim porodicama na području pomenutih općina. Podsjetimo, predsjednik HO "Merhamet" MDD Kenan Vrbanjac potpisao je u Istanbulu protokol o saradnji sa turskom humanitarnom organizacijom IHH. Odmah nakon toga, u Gazu je dopremljena humani-

tarna pomoć prikupljena u Bosni i Hercegovini u okviru "Merhametove" amcije "Pomoć narodu Palestine". Inače, "Merhamet" ima dugogodišnju saradnju s organizacijom IHH, a ona je počela još u periodu agresije na Bosnu i Hercegovinu.



Regionalni odbor "Merhameta" Mostar



PODIJELJENI BROJNI OBROCI, PAKETI, KURBANSKO MESO

Veoma često nas kontaktiraju građani koji žele dati svoj prilog i podržati rad "Merhameta", Zahvalni smo svima koji nas na tom putu podržavaju i daju svoj doprinos razvoju "Merhameta" u Hercegovini, kaže Adnin Hasić

Regionalni odbora "Merhameta" Mostar tokom maja i juna realizirao je svoje redovne aktivnosti, koje se temelje na pružanju razne vrste pomoći socijalno ugroženim porodicama i pojedincima na području Hercegovine. Prema riječima direktora Regionalnog odbora "Merhameta"

Mostar Adnina Hasića, "Merhametova" Narodna kuhinja u Jablanici, koja svakodnevno priprema 100 obroka svojim korisnicima, u maju i junu pripremila je i podjelila 4.300 obroka porodicama i pojedincima čija je egzistencija vezana za pomenutu kuhinju. "Merhamet" je u tom period, uz

podršku Vlade Hercegovačko-neretvanskog kantona, obezbijedio i podijelio i 200 prehrambenih paketa na području Mostara, Konjica, Jablanice, Prozora, Čapljine i Duvna. - Naša kuhinja, koja djeluje u sklopu Osnovnog odbora "Merhameta" Jablanica, često

zavređuje podršku građana Jablanice, pogotovo onih koji žive i rade u inostranstvu, a koji svojim pojedinačnim donacijama u hrani i poljoprivrednim proizvodima poboljšavaju kvalitet naših usluga prema našim građanima u stanju potrebe. To je za nas veliko priznanje i dokaz da samo kvalitet-





nim radom i širom podrškom možemo ostvariti bolje rezultate - kaže Hasić.

Regionalni odbor "Merhameta" Mostar uspješno je realizirao ovogodišnju akciju "Kurban".

- Građani Mostara, Jablanice i Konjica ponovo su ukazali povjerenje "Merhametu", te na taj način dali svoj doprinos osiguravanje neophodnih količina mesa za naše narodne kuhinje. Drugog dana Kurban-bajrama realizirali smo distribuciju i podjelu kurbanskih trećina našim donatorima, ali i građanima u stanju potrebe - naglasio je Hasić.

"Merhamet" u Hercegovini, dodao je on, u skladu sa svojim mogućnostima nastoji pomoći ugroženom dijelu stanovništva u svim mjestima.

- Veoma često nas kontaktiraju građani koji žele dati svoj prilog i podržati rad "Merhameta", Zahvalni smo svima koji nas na tom putu podržavaju i daju svoj doprinos razvoju "Merhameta" u Hercegovini - zaključio je Adnin Hasić.



Regionalni odbor „Merhameta“ Sarajevo



U BRIJEŠĆU OTVOREN PUNKT NARODNE KUHINJE „IMARET“

Tokom maja i juna mjeseca 2022. godine, u svojoj Narodnoj kuhinji „Imaret“ u Sarajevu, za svojih 670 korisnika pripremio nešto više od 40.000 obroka, čija je ukupna vrijednost iznosila više od 95.700 konvertibilnih maraka. Podijeljeno i 150 prehrambenih paketa, vrijednih 4.500 KM

Regionalni odbor „Merhameta“ Sarajevo je tokom maja i juna mjeseca 2022. godine, u svojoj Narodnoj kuhinji „Imaret“ u Sarajevu, za svojih 670 korisnika pripremio nešto

više od 40.000 obroka, čija je ukupna vrijednost iznosila više od 95.700 konvertibilnih maraka. Od toga je podijeljeno 28.680 toplih obroka (ukupne vrijednosti od 71.703 KM) i

12.006 suhih obroka (ukupne vrijednosti od 24.100 KM). Prema riječima direktora Regionalnog odbora „Merhameta“ Sarajevo Muniba Bujaka, korisnicima Narodne kuhinje

„Imaret“ je podijeljeno 780 kilograma svježeg kupusa koje je ovaj regionalni odbor dobio sa „Merhametovog“ imanja u Zavidovićima.
- U sklopu naše Narodne



ZA PROJEKT „KUĆNA NJEGA“ 35.000 KM

Ministrica za rad, socijalnu politiku, raseljena lica i izbjeglice Kantona Sarajevo Ivana Prvulović i direktor Regionalnog odbora „Merhameta“ Sarajevo Munib Bujak, potpisali su ugovor o sufinansiranju projekta „Kućna njega starih, iznemoglih i bolesnik osoba“ sa područja Kantona Sarajevo.

Resorno ministarstvo je za te namjene izdvojilo 35.000 KM Regionalnom odboru „Merhameta“ Sarajevo.





kuhinje „Imaret“ otvorili smo još jedan punkt koji je smješten u sarajevskom naselju Briješće, gdje dijelimo hranu za 24 korisnika. Punkt smo otvorili kako bi olakšali našim građanima sa ovog područja, kojima je centrala kuhinja u naselju Švrakino seljo bila prilično daleko - kaže Bujak.

Regionalni odbor „Merhameta“ Sarajevo je tokom maja i juna mjeseca svojim korisnicima, socijalno ugroženim porodicama i pojedincima na području Kantona Sarajevo podijelio i 150 prehrambenih paketa, čija je ukupna vrijednost iznosila 4.500 KM.

- U okviru projekta „Kućna njega starih iznemoglih i bolesnih osoba“, gdje brojimo 150 korisnika, naši uposlenici i volonteri su obavili 703 posjete. Korisnicima tog projekta naši timovi su obavljali mjerenje krvog pritiska, mjerenje šećera u krvi, triglicerida i holesterola u krvi te su obavljali razne administrativne poslove za korisnike, pomagali im u kućnim poslovima i slično. Korisnicima kućne njege smo uručili 60 prehrambenih paketa, u vrijednosti od 2.100 KM te im podijelili razne lijekove, u vrijednosti od 405 KM - kazao je Munib Bujak



Regionalni odbor „Merhameta“ Bihać



„MERHAMET“ PONOVO U SANSKOM MOSTU

Osnovni odbor „Merhameta“ Sanski Most je već krenuo sa svojim humanitarnim aktivnostima, pa je u prva dva dana djelovanja podijelio osnovne životne namirnice svojim sugrađanima koji su u stanju socijalne potrebe



Regionalni odbor „Merhameta“ Bihać imao je brojne aktivnosti u maju i junu 2022. godine. Tako je, uzmađu ostalog u Narodnim kuhinjama Regionalnog odbora „Merhameta“ Bihać za korisnike pripremljeno i podijeljeno oko 10.100 obroka.

Jedna od najznačajnijih aktivnosti u ovom periodu jeste ponovno aktiviranje Osnovnog odbora „Merhameta“ u Sanskom Mostu. Kancelarija „Merhameta“ u Sanskom Mostu nalazi se u u zgradi Centra za socijalni rad.

Tim povodom, RTV „Sana“ je ugostila predsjednika HO „Merhamet“ MDD Kenana Vrbanjca, predsjednika Regionalnog odbora „Merhamet“ Bihać Alena Prošića te sekretara Osnovnog odbora „Merhameta“ Sanski Most Almu Tulek.

Predstavnici „Merhameta“ su, tokom gostovanja na RTV „Sana“, govorili o tome zašto se „Merhamet“ odlučio da reaktivira svoj Osnovni odbor u tom gradu.

Ovom prilikom je istaknuto kako je „Merhamet“ humanitarna organizacija s muslimanskim predznakom i jedna od najznačajnijih institucija bošnjačkog naroda, osnovana sada već daleke 1913. godine. Naglašeno je da „Merhamet“ realizira različite projekte s humanitarnim predznakom kako bi se pomoglo socijalno ugroženim građanima te da u njegovom sastavu danas djeluju javne kuhinje, pekare, poljoprivredna dobra, a organizacija ima raširenu infrastrukturu širom svijeta.

Rečeno je da na području Unsko-sanskog kantona „Merhamet“ ima svoje kancelarije u svim gradovima i općinama, izuzev Sanskog Mosta, ali da će sada „Merhamet“ djeovati i u tom gradu kako bi se pomoglo socijalno ugroženim porodicama i pojedincima. Predsjednik HO „Merhamet“ MDD Kenan Vrbanjac se osvrnuo i na rad „Merhameta“ u Sanskom Mostu koji nije u sastavu „HO „Merhamet“ MDD.



- Taj „Merhamet“, ako se tako može nazvati, djeluje izvan sistema Muslimanskog dobrotvornog društva „Merhamet“ i mi sa njihovim aktivnostima nemamo ništa. Upravo zbog toga što to zbunjujuće djeluje na građane Sanskom Mosta, ali i šire, mi smo se odlučili da osnujemo naš

Osnovni odbor, da otklonimo dileme u javnosti, ali i da „Merhamet“, kao dobro organizirana porodica, pomogne socijalno ugroženim građanima na području Sanskog Mosta - kazao je Vrbanjac. Osnovni odbor „Merhameta“ Sanski Most je već krenuo sa svojim humanitarnim aktivnos-



HAFIZA ILMA OGREŠEVIĆ ŽELJELA JE DA VOLONTIRA U „MERHAMETU“

Regionalni odbor „Merhameta“ Bihać imao je nesvakidašnju posjetu.

- Bili smo ugodno iznenađeni pozivom naše hafize Ilme Ogřešević, koja je izrazila želju da volontira u „Merhametovoj“ Javnoj kuhinji „Imaret“ u Bihaću.

Inače, Ilma Ogřešević je prva hafiza na području Medžlisa Islamske zajednice Bihać, te nas raduje samo njeno prisustvo, ako i Ilmima želja da na ovaj način pomogne rad „Merhameta“ – kazao je direktor Regionalnog odbora „Merhameta“ Bihać Alen Prošić.



tima, pa je u prva dva dana djelovanja podijelio osnovne životne namirnice svojim sugrađanima koji su u stanju socijalne potrebe.

Inače, Regionalni odbor „Merhameta“ Bihać, zahvaljujući svojim redovnim aktivnostima i brizi o svojim korisnicima, imao je u proteklom periodu podršku brjnih donatora.

Između ostalog, za potrebe „Merhametove“ Javne kuhinje „Imaret“ u Bihaću uručena je donacija hljeba za cijeli mjesec od članova džemata iz Augsburga u Njemačkoj.

- Ukupno je uplaćeno 945 komada hljeba za potrebe javne kuhinje, a donacija je od izuzetnog značaja u vrijeme poskupljenja i divljanja cijena na tržištu, što dodatno otežava našu humanu misiju. Ovim putem, želimo se zahvaliti svima koji su učestvovali u ovoj donaciji želeći podržati rad „Merhametovih“ javni kuhinja.

Hvala našoj dijaspori, Bošancima i Hercegovcima koji ne zaboravljaju svoju

Domovinu - kazao je direktor Regionalnog odbora „Merhameta“ Bihać Alen Prošić.

Regionalni odbor „Merhameta“ Bihać dobio je i donaciju od UniCredit banke u tom gradu, a koja se sastojala od 1.600 kilograma brašna.

U prostorijama „Merhametove“ Javne kuhinje „Imaret“ u Bihaću volonteri Crvenog križa Bihać i „Merhameta“ izvršili su podjelu paketa sa prehrambenim namirnicama korisnicima „Merhametove“ kuhinje. Akcija je organizirana povodom obilježavanja Svjetskog dana Crvenog križa i Crvenog polumjeseca.

Donaciju prehrambenih paketa obezbjedio je Crveni križ Bihać. Društvenu odgovornost prema osobama u stanju socijalne potrebe ponovo je potvrdila kompanija „Violeta“ d.o.o., koja je korisnike „Merhametove“ kuhinje obradovala svojom donacijom koja se sastojala od pileće salame.



Regionalni odbor „Merhameta“ Zenica



PODIJELJENO 23.900 OBROKA, VRIJEDNIH OKO 71.500 KM

U mjesecu maju i junu, Regionalni odbor „Merhameta“ Zenica realizirao je svoje redovne aktivnosti u okviru projekta „Kućna njega“ na području Zenice i Kaknja. Zaposlenici „Merhameta“ obišli su osobe koji su na evidenciji za pomoć u okviru pomenutog projekta. Korisnicima su tom prilikom uručeni i prehrambeni paketi sa osnovnim životnim namirnicama

Regionalni odbor „Merhameta“ Zenica, u svojim narodnim kuhinjama u Zenici, Brezi i Kaknju, tokom maja i juna 2022. godine pripremio je i

svojim korisnicima podijelio 23.900 obroka, čija je ukupna vrijednost iznosila oko 71.500 konvertibilnih maraka. U mjesecu maju i junu, Region-

alni odbor „Merhameta“ Zenica realizirao je svoje redovne aktivnosti u okviru projekta „Kućna njega“ na području Zenice i Kaknja. Zaposlenici

„Merhameta“ obišli su osobe koji su na evidenciji za pomoć u okviru pomenutog projekta. Korisnicima su tom prilikom uručeni i prehrambeni paketi sa





AKCIJA „UČENICI POMAŽU MERHAMETOVE KUHINJE“

Nastavljeno je sa realizacijom akcije „Učenici pomažu Merhametove kuhinje“, u kojoj su učešće uzele i Osnovna škola „Hasan Kfajija Pruščak“ i Osnovna škola „Skender Kulenović“ Zenica.

- Zajedno sa svojim roditeljima, učenici su skupili određenu količinu namirnica, prehrambenih artikala koji će biti iskorišteni za pripremu obroka ili podjelu korisnicima „Merhametove“ kuhinje u Zenici. Zahvaljujemo se učenicima, roditeljima i upravama škola na odzivu i podršci aktivnostima „Merhameta“ – kazala je Zijada Kliko.



osnovnim životnim namirnicama.

- Nakon dužeg pauziranja zbog koronavirusa, naši uoslenici su izvršili mjerenja tlaka i šećera u krvi korisnicima projekta na području Zenice. U tome nam je pomogla i naša nova volonterkaa Lamija Durak, učenica 2. razreda Medicinske škole u Zenici. Svi korisnici ovog projekta imaju različite sudbine, a svaka je teška na svoj način. Neki se svakodnevno bore sa bolešću, a neki sa usamljenošću ili neimaštinom. Koliko im znače naše posjete, dokazuju njihova nasmijana lica i duše željne razgovora i pažnje. Prilikom posjete jednoj korisnici, koja ima čak 90 godina, rečeno nam je da nema "Merhameta" ne bi joj niko dugo pokucao na vrata - kazala je direktorica Regionalnog odbora „Merhameta“ Zenica Zijada Kliko. Uputila je molbu za podršku projektu „Kućne njege“ na području Zenice i Kaknja, kako bi „Merhamet“ bio u mogućnosti pružiti bolju pomoć korisnicima. Pomoć može biti u novčanim sredstvima ili u



namirnicama, lijekovima, pelemenama za odrasle, te ostalim higijenskim potrepštinama.

Regionalni odbor „Merhameta“ Zenica dobio je tokom maja i juna pomoć od brojnih donatora. Firma „RIMA-PAK“ d.o.o Zenica uručila je osnovne prehrambene artikle - rižu, palentu, ulje, začinu - za potrebe pripreme obroka u „Merhametovim“ kuhinjama u Zenici i Kaknju. Vrijednost ove donacije iznosila je oko 800 KM. Od firme „Merak“ iz Zenice korisnici su dobili donaciji od 107 komada gurabija, koje su podijeljene uz redovni obrok.

Kompanija „Perutnina Ptuj-BH“ d.o.o Breza uručila je pileće jetrice i to: 170 kilograma za kuhinju u Kaknju i 158 kilograma za kuhinju u Brezi. Pileća jetrica je podijeljena korisnicima uz redovni obrok.

„Merhametovu“ javnu kuhinju u Brezi posjetio je humanitarac Ramiz Kadrić i uručio donaciju od njemačke humanitarne organizacije „Most za Bosnu“. Riječ je o prehrambenim artiklima, u vrijednosti od oko 1.950 KM.

KECELJE ZA KUHARE U TRI „MERHAMETOVE“ KUHINJE

U saradnji sa firmama i školom, obezbijedeno je 13 novih kecelja za kuharsko osoblje u 3 javne kuhinje Regionalnog odbora „Merhameta“ Zenica. Firma „MEKOM“ d.o.o Visoko donirala je platno za izradu kecelja. Učenici tekstilnog smjera Srednje mješovite škole „Mladost“ iz Zenice, zajedno sa svojim majstoricama, skrojili i sašili kecelje, dok je firma „ZENKO“ d.o.o Zenica uradila vez na keceljama sa logom i nazivom „Merhamet“.

Tim povodom, prostorije Regionalnog odbora „Merhameta“ Zenica posjetili su pomoćnik škole Neldin Trako, majstorica Amira Šabić i nekoliko učenica, i uručili su gotove kecelje. Kao mali znak pažnje, uručena je zahvalnica za učešće u ovoj humanoj priči. Zahvaljujemo se svima koji su učestvovali i pokazali da samo udruženim snagama, zajedno možemo toliko toga lijepog uraditi - kazala je Kliko.





Regionalni odbor "Merhameta" Travnik

NOVE RASHLADNE KOMORE ZA NARODNU KUHINJU



Regionalni odbor "Merhameta" Travnik i njegovi osnovni odbori imali su tokom maja i juna 2022. godine brojne aktivnosti. Između ostalog, travnički "Merhamet" i njegovi osnovni odbori, kao i svake godine, podržali su obilježavanje manifestacije "Dani Ajvatovice 2022"

Regionalni odbor "Merhameta" Travnik dobit će nove rashladne komore gdje će skladištiti meso, povrće i ostale namirnice za potrebe svoje Narodne kuhinje. Rezultat je to sporazuma koji su potpisali načelnik Općine Travnik, Kenan Dautović i njemačka nevladina organizacija "Arbeiter-Samariter-Bund e.V." (ASB). Sporazumom je definisano da će Općina Travnik i ASB sufinansirati nabavku i ugradnju rashladnih komora za potrebe "Merhametove" Javne kuhinje u Travniku, čime će se značajno olakšati rad kuhinje. Nabavka i

ugradnja rashladnih komora realizira se u okviru projekta „Bolje socijalne usluge za ugrožene osobe u BiH“. Regionalni odbor "Merhameta" Travnik i njegovi osnovni odbori imali su tokom maja i juna 2022. godine brojne aktivnosti. Između ostalog, travnički "Merhamet" i njegovi osnovni odbori, kao i svake godine, podržali su obilježavanje manifestacije "Dani Ajvatovice 2022". - Tim povodom smo učestvovali u pripremi obroka za oko 200 konjanika koji prave pauzu u mjestu Šeher. Obezbijedili smo i namirnice, odnosno grah, meso i

voće, za 1.200 obroka za učesnike manifestacije "Dani Ajvatovice" - kazao je direktor Regionalnog odbora "Merhameta" Travnik Merzuk Omerdić. Povodom obilježavanja "Dana Ajvatovice, Omerdić je, zajedno sa travničkim muftijom dr. Ahmedom Adilovićem, posjetio je Humanitarno udruženje „Sreća za sve“. Tim povodom, pripremljeni su i podijeljeni su paketići za korisnike ovog udruženja. Istim povodom sekretar Osnovnog odbora "Merhameta" Novi Travnik, zajedno sa predstavnicima Medžlisa IZ Novi Travnik, pos-

jetio je Centar za djecu sa posebnim potrebama „Duga“ u Novom Travniku i uručio im voće za potrebe korisnika tog centra. U sklopu manifestacije "Dani Ajvatovice", predstavnici "Merhameta", zajedno sa glavnim imamom Medžlisa Islamske Zajednice Bugojno Kemalom ef. Tokmićem, posjetili su Udruženja "Leptir" i "Slatki svijet", te im uručili prigodne poklone. Predstavnici Regionalnog odbora "Merhameta" Travnik posjetili su majku Travničanke Jakute, koja se nalazi u Turskoj na liječenju i uručili novčanu pomoć.



Sekretar Osnovnog odbora "Merhameta" Jajce Sinanudin Smajić posjetio je porodicu Mersihe Pačavar u mjestu Bulići nadomak Jajca, Mersiha, čiji je suprug umro prije tri godine, živi sa četvero djece i nema nikakvih primanja.

Sinanudin Smajić je toj porodici uručili prehrambeno-higijenske pakete, a riječ je o pomoći koju je obezbijedila Suvada Halabe, redovni "Merhametov" donator.





Vrijedan i human gest tuzlanskih osnovaca

UČENICI OŠ "JALA" DONIRALI NAMIRNICE ZA "MERHAMETOVU" NARODNU KUHINJU



Regionalni odbor "Merhameta" Travnik i njegovi osnovni odbori imali su tokom maja i juna 2022. godine brojne aktivnosti. Između ostalog, travnički "Merhamet" i njegovi osnovni odbori, kao i svake godine, podržali su obilježavanje manifestacije "Dani Ajvatovice 2022"

Grupa učenika nižih razreda tuzlanske Osnovne škole "Jala" posjetila je Narodnu kuhinju "Imaret". U pratnji svojih učiteljica, ovi dragi gosti Regionalnog odbora "Merhameta" Tuzla obišli su prostorije kuhinje i pekare, gdje im je osoblje govorilo o tome kako teče proces pripreme obroka i pečenja hljeba za korisnike.

Tuzlanski osnovci su, ovom prilikom, za potrebe kuhinje uručili su vrijednu donaciju osnovnih namirnica koje su sami prikupili.

- Zahvaljujemo se rukovodstvu, zaposlenicima i učenicima ove obrazovne ustanove na posjeti.

Ovu njihovu aktivnost doživljavamo kao veoma plemenito djelo - kazala je Mensura Husanović, direktorica Regionalnog odbora "Merhameta" Tuzla.



"Merhametova" Narodna kuhinja "Imaret" u Tuzli je, prema broju korisnika, najveća u BiH. Tokom godine se organiziraju različite humanitarne akcije koje uključuju učenike osnovnih i srednjih škola sa

područja Tuzlanskog kantona. Na ovaj način pomažu se najugroženije kategorije stanovništva, a kod mladih se razvija osjećaj humanosti i solidarnosti sa onima u stanju potrebe.